



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 48. Summi Pontificis Constitutiones & Epistolæ ad diversos.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

rum inopia argenteam suam supelle- Sæc. XVIII.
 filem ultro ad cudendam monetam A. C. 1714.
 traderet. Exortam in Galliis conten-
 tionem circa Constitutionem *Unigenitus*
 in sui ortu extinguere & Cardinalem
 Noailiam ad humilem illius accepta-
 tionem permovere, frustra adlabora-
 bat. Nominatus a Papa ad Albanen-
 sem Episcopatum, huic Ecclesiæ pre-
 tiosissimas gemmas dono dedit, pluri-
 busque aliis pietatis operibus æterni-
 tatis viam sibi expeditiorem reddidit,
 ac demum die decima nona Decembris
 annos natus octoginta septem Deo,
 quem semper in mente habuit, Crea-
 tori suo mortalitatis debitum persolvit.
 Erat sane Princeps incomparabilis, de
 Ecclesia, Rege, Regno, & re literaria
 longe meritissimus, rerum publicarum
 experientia, ingenii perspicuitate, eru-
 ditione omnigena, morum comitate,
 & liberali pauperum patrocínio nume-
 ris omnibus absolutissimus, cunctisque
 percarus, & maximi habitus erat.

§. XLVIII.

*Summi Pontificis Constitutiones &
 Epistolæ ad diversos.*

Gravissimæ subinde in variis Eccle- Epist.
 siis ac Regnis exortæ dissensiones, Clem. XI.
 aliaque negotia plurimum hoc anno
 Pasce.

Sæc. XVIII. Pastoralem Clementis Papæ sollicitudi-
 A. C. 1714. nem exercebant, cunctis satisfacere,
 malisque remedium opponere intentus:
 cum ergo nuntiatum ei esset, quod
 Taraconensis Magistratus die decima
 quinta Decembris anni proxime præ-
 teriti Fratrem Isidorum Betran, quem
 Pontifex in hujus Ecclesiæ Archiepi-
 scopum rite instituerat, exauctorare,
 & tanquam injuste intruso e civitate
 & universa Diæcesi ac Provincia abire
 jussu alium subrogare præsumpsit,
 quin imo Decano, illiusque Ecclesiæ
 Capitulo injunxerit, ne illum in Ar-
 chiepiscopum ullatenus agnosceret,
 hinc Pontifex die decima septima Mar-
 tii declarabat, ordinariam jurisdic-
 tionem in præfata Ecclesia non ab alio,
 quam a laudato Archiepiscopo exerceri
 posse, proin nec Capitulo licere, ut
 sese in dictæ jurisdictionis exercitio in-
 gereret, sed quoscunque Mensæ Ar-
 chiepiscopalis fructus præfato Archi-
 episcopo, vel ejus Procuratori con-
 signari curaret, irritatis omnibus, quæ
 a Capitulo contra Archiepiscopum acta
 fuissent. Ipsum vero Archiepiscopum
 Pontifex die decima septima Martii
 ignaviæ arguebat, quod solis deterritus
 minis Ecclesiam, gregemque sibi com-
 missum deseruerit. Declarabat quo-
 que Pontifex die vigesima secunda

Se

Septembris, quod coronas S. Birgittæ, *Sæc. XVIII.*
 quas recitantibus indulgentias concessit, *A. C. 1714.*
 benedicendi facultas duntaxat Superioribus & Religiosis hujus Ordinis
 competat.

Die autem vigesima Januarii Pontifex datis ad octo Pagos Catholicos Helveticos literis, eos Clericos, qui in nupero bello cum A catholicis gesto interfuerunt, atque in eo militarunt, per Jacobum Archiepiscopum Ephesinum Sedis Apostolicæ Nuntium a censuris absolvit, & in irregularitate dispensavit: cum vero Barbari in Tartaria Præcopensi Christianos captivos, qui ob senium ferendis laboribus haud ultra pares erant, vita quidem donarent, hi vero omnibus invis, omnique subsidio destituti per compita vagari, & fame perire cogerentur, eorumque pueri tamdiu minis & injuriis exagitantur, donec a religione Christiana deficerent, illius tamen Regionis Missionarii pro senibus hospitium erigere, & quolibet anno aliquos pueros collectis pecuniis redimere meditarentur, Pontifex die vigesima septima Januarii datis ad Carolum Imperatorem & Poloniæ Regem literis rogabat, ut opportunis mediis subsidia cogere velint, quæ ad perficiendum utrumque opus, necessaria sunt. Sub idem tempus

Hist. Eccles. Tom. LXVIII. Xx Vio-

Sæc. XVIII Violanta Beatrix Etruriæ vidua ad Sacram Domum Lauretanam profectio-
A. C. 1714. nem suscepit, hinc Pontifex eidem die octava Maij Monasteria Sanctimonialium in locis, quæ eundo & redeundo transierit, ingrediendi facultatem concessit & Bartholomæum Nisefum Pincernam Pontificium cum Apostolica benedictione & Sacris muneribus obviam misit. Cum vero Iastos Æthiopiæ Rex Missionarios illuc missos benigne excepisset, hinc Pontifex actis eidem gratiis per novos Missionarios die nona Maij munera quædam in benevolentia signum submitit, idem quoque officium Pontifex impendit Regi Lassæ.

Innotuit autem eidem, quod Iberiæ Asiaticæ Rex a Persarum Rege velut captivus detineatur, qui tamen summa benevolentia Catholicos respexit, eoque benigne fovit, eapropter Papa die decima tertia Aprilis Regem Franciæ sollicitabat, ut apud Regem Persarum liberum ad suam ditionem reditum captivo huic Regi impetrare velit. Cum autem Maria Angliæ Regina perpetuum censum assignasset, ut Scotis juvenibus ad Collegium Romæ fundatum venientibus, & inde in Scotiam ad Missiones redeuntibus necessarium Viaticum suppeditari posset, hinc Pontifex huic

huic Reginæ tam præclarum opus fufe Sæc. XVIII.
 gratulatus, simul Eystetensis Episcopi A. C. 1714.
 charitatem merita laude profecutus est,
 eoquod decem Nobiles Scotos Semi-
 narii Ratisbonensis Alumnos ob pestis
 metum profugos omnibus liberalitatis
 officiis excepisset, atque ejusmodi Se-
 minarium in sua etiam civitate insti-
 tuere constituisset. Non minus libera-
 lis in effundendis elogiis erat Pontifex
 erga Antonium Ulricum Brunsvicen-
 sem Ducem, qui ditionis suæ incolis
 liberum Catholicæ Religionis exerci-
 tium indulfit, parcus autem denuo erat
 Clemens erga illum in concedendis
 gratiis, quas inter idem Dux Confes-
 sarium suum Episcopali titulo decorari
 petebat, cum autem post hujus Ducis
 obitum successor concessum Religionis
 Catholicæ exercitium abrogare con-
 tenderet, Pontifex Cæsarem ejusque
 Conjugem enixe rogabat, ut defuncti
 Ducis votum impleri curarent. Insu-
 per Augusto Poloniæ Regi contra Tur-
 carum irruptionem, quantum ærarii
 Pontificii angustia permittebant, sub-
 sidia misit, eique opportuna apud Catho-
 licos Principes officia pollicitus est,
 postulavit tamen, ut uterque illius
 Regni Clerus a prægravibus exactioni-
 bus & militaribus subsidiis liberetur.
 Præterea die nona Aprilis Pontifex

X x 2

Cæsa-

Sæc. XVIII. Cæsarem certiolem reddidit, quod ad
A. C. 1714. ejus votum Cathedralis Augustanæ Ec-
 clesiæ Capitulum & Canonicos hortatus
 sit, ut de Coadjutore, qui Alexandro Si-
 gismundo gravi ægitudine presso succe-
 deret, designando mature deliberarent,
 ac propterea Joanni Francisco Constau-
 tiensi Episcopo Breve *eligibilitatis*, ut
 vocant, concesserit, an vero is simul
 hanc Ecclesiam unacum Augustana re-
 tineat, sacræ Congregationis senten-
 tiam excepturus sit.

Die autem quinta Maij Leodegario
 Burgisser Abbati Monasterii S. Galli
 inhibuit, ne injustas condiciones, qui-
 bus Bernates & Tigurini Toggenbur-
 gensem Comitatum, ceteraque ei ab-
 lata restituere contendebant, acceptet,
 cum meliora ex patrocinio Cæsaris &
 Galliarum Regis per Papam implorato
 sperare posset. Hunc in finem quoque
 Franciæ Regem rogabat, ut a fœdere
 Protestantium Pagos excludat, nisi
 prius pagis Catholicis & Monasterio
 S. Galli erepta restituerent: Implorabat
 etiam Moguntini & Palatini necnon
 Monasteriensis & Herbipolensis Episco-
 porum opem, ut Decreta ab Hanno-
 verano Principe contra Catholicos e-
 dita abrogari curarent. Significabat
 etiam Pontifex Philippo Hispaniæ &
 Ludovico Galliarum Regibus, quod
 Goz-

Gozzadinum Cardinalem decreverit, Sæc. XVIII.
 ut ad Elisabetham Hispani Regis Spon- A. C. 1714.
 sam deferat Benedictionem Pontifi-
 ciam, & Regale connubium faustum-
 que iter gratularetur, & rosæ aureæ
 munus offerret: cum autem Brande-
 burgicus Marchio Monasteria Halber-
 stadii existentia contra P. W. visitari
 jussisset, Pontifex die decima tertia
 Octobris Lotharium Moguntinum Ele-
 ctorem hortabatur, ut Religiosis hisce
 strenue adesse velit, eundemque quoque
 Archiepiscopum Papa enixe rogabat, ut
 Augustam Dorotheam Principissam de
 Schwarzenberg Antonii Ulrici Bruns-
 vicensis Filiam Lutheri errores eve-
 mere cogitantem opportunis consiliis
 dirigere, ac præsidio fovere non ces-
 set: pariter etiam ab Imperatrice pe-
 tebat, ut impedimenta conversioni
 Amitæ suæ obstantia assignato annuo
 subsidio pro congrua ejus sustentatione
 destinato submoveri curet. Denique
 Joanni Lusitanæ Regi Missiones Sina-
 rum, Indiarumque Orientalium impense
 commendat, simul ab eo efflagitans, ut
 illiatis a suis *Officialibus* piæ memor.
 Cardinali de Tournon, necnon illius
 Familiaribus & Sociis ac ipsimet Apo-
 stolicæ Sedi injurias congrua repara-
 tione sarciri juberet.